

Guekgya Minzvej Gaujcazcu Bae Majsanh Yen Diuyenz Hong Cauhlaeb Minzczu Doxgiet Baenaj

国家民委考察组到马山县调研民族团结进步创建工作

Mboengqneix, Guekgya Minzvej Gaujcazcu bae Nanzningz Si diuyenz si de cauhaeb aen si yienghbanj guh minzczu doxgiet baenaj. Gaujcazcu gonqlaeng bae daengz si de Majsanh Yen Gujcai Yauzczu Yangh, Gujlingz Cin Mbanj Siujduhbwz, Mbanjsanhgyaz daengj dieg, ngonzyawj le gij yienghcej minzsug gaeng gajnde de caeuq gyonghoih, fouxfaexsoux, fwenha daengj feihyiz vwnzva biujyenj, saeddieg yawjyawj gij hong minzczu doxgiet Majsanh cauhaeb ndaej baenzlawz yiengh, gaujcaz gij cingzvang coengh rengz lajmbanj hwnghoengh, vwnzva minzczu caeuq lijyouz yungzhab hwngfat daengj.

Gaujcazcu nyinhnaeuz gij hong minzczu doxgiet Majsanh guh ndaej ndei, maqmuengh yienh de aeu geiqmaenh gij dak Siz cungjsuhgi, mbouj lumz simnduj, mbouj lau hojnanz, haengrengz baenaj, laebdaeb lwnhgangj caeuq guhsaed gij cwngcwz minzczu, byaijok diuz roen miz daegsaek Majsanh daeuj.

Majsanh Yen yaek mboujduenh haglaeg guhsaed gij cingsaenz gangjavah youqgaenj Siz Ginbingz cungjsuhgi laeng Aen Hoih Hong Minzczu Cunghyangh, mboujduenh ra roen moq, fuengfap moq, hingz sik moq bae guh hong minzczu, gietcomz gijrengz, coicaenh minzczu yungzhab caeuq canjniieb hwnghoengh, yunghsim rwed ok duj va minzczu doxgiet baenaj engq gyaunde lai saek ndeu.

(Vangz Yaugunh / 黄耀昆)



▲ Gaujcazcu daejniemh gyonghoih Bouxcuengh Majsanh.

Lozcwngz:

Hag Lizsij Aendangj “Banjdaeuz” Lai

罗城:党史学习“花样”多

Bineix doxdaeuj, Lozcwngz Mulauzczu Swciyen gak gihcwngz dangjuciz aeu lai cungj hingz sik bae lwnhgangj son'gyauq lizsij aendangj. Gyoengqde senj le buek dangjyenz ganbu rox gangj Vahcuengh, vah Mulauzczu, vah Yauzczu, vah Duncuz daengj laebbaenz 22 aen donzlwnggangj, daengz gak mbanj miz siujsoq minzczu comzyouq de aeu song vah bae lwnhgangj lizsij aendangj. Caemhcai guh 142 ciengz cawjdaez hozdung lumjbaenz “angqhoh bak bi ngoenzseng aendangj, gou miz vah gangj hawj aendangj dingq” daengj. Gak gihcwngz dangjuciz lij giethab “gou vih vunzlai guh saedsaeh” daengj hozdung, cujiz dangjyenz ganbu bae daengz gak segih, yanghcin, mbanj daengj bang ginzcong gajgez vwndiz, daengz seizneix gungh bang vunzlai guh le 2000 lai gienh saedsaeh. Lozcwngz guh lai yiengh hozdung bae hag lizsij aendangj, dazyinx gak minzczu beixnuengx gamjsouh gij simnduj caeuq sawjmingh boux gungcanjdangjyenz, hawj gyoengqvunz engq miz gietsim caeuq saenqsim gyaepgouz ndwenngoenz gyaunde, doidoengh sonhag lizsij aendangj caeuq angqhoh aendangj laebbaenz 100 hopbi doxyungz.

(Cinz Yungjdungh/覃永东)

Lwghag Mbanjmyauz Vih Lajmbanj Gyaunde Dem Saek

苗乡学子为美丽乡村添彩

“Gij ciengz cungjsuenq veh ndaej lo!” 9 nyied 15 hauh, geij boux lwghag fwngz gaem bitveh angq dwk naeuz. Yenzlaiz, cuengq sujyay le, Yungzuij Myauzczu Swciyen Dalang Cin Mbanj-gauhbeiz Dangj Cungjihbu ciu le 6 boux daihagseng Dalang Cin youq doengh faq ciengz hoengq Mbanjlahcai veh veh. Gyoengq lwghag yungh le

song ndwen lai cij veh ndei. Doengh fuk veh neix cawjdaez dwg “vuenyungz baengh buekguh, hwng guek baengh saedguh”, baijok gij ciengzgingj vunzmbanj youq ndaw reihnaz guhhong de, gujli Mbanjmyauz roengzrengz guhhoengh lajmbanj, neix caemh vih cauhaeb aen lajmbanj gyaunde okrengz. (Veiz Cuzliz / 韦竹立)

Fwenleux Bingzgoj Cienzcienq Cihsiz Gengangh

平果嘹歌传唱健康知识



▲ Fwenvuengz yienhciegngz cijdaui baenzlawz eu fwen.

Daj bineix 2 nyied doxdaeuj, Bingzgoj Si cujiz canghfwen gwnzbiengz aeu fwenleux Bouxcuengh eu le 66 diuz gengangh siuhyangj, caemhcai loeg baenz 66 aen sibinz dinj. Bingzgoj Si Veiswng Gengangh Giz caeuq canghfwen faen lai mbat lai buek bae daengx si 12 aen diegbaeyouz miz daiyaujsing bae, yungh le buenq bi cij guh sat gij hong neix. Buek sibinz dinj “Fwenleux Cienq Gengangh” gaeng youq gij gunghcunghau “Bingzgoj Yungzmeiz” caeuq “Gengangh Bingzgoj”, doujyinh daengj bingzdaiz sibinz dinj boqok, caemhcai gaekloeg baenz DVD daengj. Bingzgoj aeu fwenleux bae lwnhgangj leixniemh gengangh, mboujdan ndaej hawj cihsiz gengangh engq dep diegheiq, haeuj simvunz, lij ndaej hwngfat vwnzva fwenleux Bouxcuengh dem.

(Vangz Sezdan / 黄雪旦)